

Կ Ա Ր Ծ Ի Ք

ՄՀԵՐ ՄԵՐՈՒԺԱՆԻ ՕԹԱՐՅԱՆԻ «ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՀԱՄԱԿԱՐԳԻ ԶԱՐԳԱՑՄԱՆ ՀԻՄՆԱԽՆԴԻՐՆԵՐԸ ԵՎ ԴՐԱՆՑ ԼՈՒԾՄԱՆ ՈՒՂԻՆԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ» ԹԵՄԱՅՈՎ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ, ՆԵՐԿԱՅԱՑՎԱԾ Ը.00.02 «ՏՆՏԵՍՈՒԹՅԱՆ, ՆՐԱ ՈԼՈՐՏՆԵՐԻ ՏՆՏԵՍԱԳԻՏՈՒԹՅՈՒՆ ԵՎ ԿԱՌԱՎԱՐՈՒՄ» ՄԱՍՆԱԳԻՏՈՒԹՅԱՄԲ ՏՆՏԵՍԱԳԻՏՈՒԹՅԱՆ ԹԵԿՆԱԾՈՒԻ ԳԻՏԱԿԱՆ ԱՍՏԻՃԱՆԻ ՀԱՅՑՄԱՆ ՀԱՄԱՐ

Ժամանակակից ժողովրդավարական պետության կարևոր բաղկացուցիչներից մեկն է հանդիսանում տեղական ինքնակառավարման արդյունավետ համակարգը, որը կոչված է նպաստելու տեղական մակարդակում բնակչության և համայնքի առջև ծառայած տեղական նշանակության տարբեր բնույթի խնդիրների լուծմանը: Ըստ էության, տարածքային զարգացման քաղաքականությունը պետք է հիմնված լինի այն տրամաբանության վրա, ըստ որի տեղական նշանակության խնդիրների լուծումը աստիճանաբար պետք է մոտեցնել տեղի բնակչությանը, ելնելով, իհարկե, համայնքի հնարավորություններից, իսկ տարածաշրջանային զարգացման հիմնահարցերի լուծումը՝ դնել տարածքային կառավարման մարմինների վրա:

Տեղական ինքնակառավարման բնագավառում նախորդ ժամանակաշրջանում կուտակված փորձը ցույց տվեց, որ հանրապետությունում դեռևս առկա են բազմաթիվ, երբեմն նաև իրարամերժ, հիմնախնդիրներ, որոնց հրատապ լուծման դեպքում միայն կարելի է ակնկալել ցանկալի արդյունքներ տարածքային զարգացման գործում: Մասնավորապես, դեռևս լրիվ չեն կանոնակարգված պետական կառավարման տարածքային և տեղական ինքնակառավարման մարմինների փոխհարաբերությունները, ձևական բնույթ են կրում պետական բյուջեից համայնքներին հատկացվող դոտացիաները, չեն բացահայտված տեղական տուրքերի և վճարների բոլոր աղբյուրները և այլն:

Նշված խնդիրների և դրանց լուծման ուղիների բացահայտմանն է նվիրված աշխատանքը, որով էլ պայմանավորված է դրա **հրատարակությունն ու արդիականությունը**:

Ատենախոսության **կառուցվածքը** հնարավորություն է ընձեռել բացահայտել հետազոտվող հիմնահարցի բնութագրական կողմերը, ապահովել դրանցով պայմանավորված խնդիրների լուծման հաջորդականությունը, պահպանել առաջարկված մոտեցումների գործնական նշանակության հիմնավորմանը և ամբողջական հետազոտության իրականացմանը հատուկ այլ սկզբունքները:

Աշխատանքի ներածական մասում դրված է հետազոտության նպատակը և տրված են դրան հասնելու համար լուծման ենթակա խնդիրները, Այստեղ բնութագրված են տեսական ու մեթոդական այն հիմքերը, որոնց վրա կառուցված են հեղինակի մշակումներն ու եզրահանգումները:

Ատենախոսության **առաջին՝ «Տեղական ինքնակառավարման համակարգի ձևավորման տեսական և մեթոդական հիմքերը» գլխում** ուսումնասիրվել են տեղական ինքնակառավարման նպատակները և առանձնահատկությունները, ներկայացվել են տարածքային կառավարման և տեղական ինքնակառավարման մարմինների փոխհարաբերությունները և գնահատվել է տարածքային համաչափ զարգացման նշանակությանը:

Հետազոտության **երկրորդ՝ «Տեղական ինքնակառավարումը Հայաստանի Հանրապետությունում և դրա զարգացման հիմնախնդիրները» գլխում** ուսումնասիրվել և վերլուծվել են Հայաստանի վարչատարածքային բաժանման համակարգի փոփոխությունները շուկայական հարաբերությունների ձևավորման անցած ժամանակահատվածում, համայնքների խոշորացման գործընթացը և դրա ազդեցությունը տեղական ինքնակառավարման համակարգի

արդյունավետության բարձրացման վրա, ինչպես նաև համայնքների ֆինանսական հնարավորությունների ընդլայնման հիմնախնդիրները:

Աշխատանքի **երրորդ՝ «Տեղական ինքնակառավարման համակարգի արդյունավետության բարձրացման ուղիները Հայաստանի Հանրապետությունում» գլխում** մշակվել են տեղական ինքնակառավարման համակարգի զարգացման հիմնական ուղղությունները և միջբյուջետային հարաբերությունների կատարելագործման, մոտեցումները:

Հետազոտության արդյունքների **հավաստիությունը** պայմանավորված է այն հանգամանքով, որ աշխատանքում մշակված մոտեցումները և արված առաջարկությունները հիմնված են քննարկվող հիմնահարցը ուսումնասիրող հայտնի մասնագետների աշխատությունների վրա, իսկ որպես տեղեկատվական հիմք ծառայել են այդ բնագավառին վերաբերող պաշտոնական և վիճակագրական նյութերն ու տվյալները: Ատենախոսությունում օգտագործված են վերլուծության ժամանակակից մեթոդներ, որոնք, ակնհայտորեն, բարձրացրել են ստացված արդյունքների հավաստիության աստիճանը:

Աշխատության **գիտական նորույթը** կայանում է նրանում, որ ներկայացվել են տեղական բյուջեների ֆինանսական հնարավորությունների ընդլայնմանն ուղղված առաջարկություններ, մշակվել են բյուջետային միջոցների ռացիոնալ օգտագործման, միջբյուջետային հարաբերությունների կարգավորման, ավագանու ինստիտուտի կայացման նոր մոտեցումներ, ինչպես նաև վիճակագրական և տնտեսաչափական գործիքակազմի կիրառմամբ առաջարկվել է տեղական բյուջեների եկամուտների համալրմանն ուղղված հետազոտությունների իրականացման մեթոդական մոտեցում:

Հեղինակի կողմից մշակված մեթոդաբանական ու մեթոդական մոտեցումներն, արված առաջարկություններն ու ընդհանրացումներն ունեն **տեսական և գործնական** նշանակություն: Դրանք կարող են լայնորեն

օգտագործվել հանրապետությունում տարածքային զարգացմանն ուղղված ծրագրերի մշակման ընթացքում: Հետազոտության արդյունքների գիտագործնական կիրառության շրջանակները բավականին լայն են և ուշադրության արժանի:

Ատենախոսությունը զերծ չէ **դիպոդություններից**, որոնցից հատկանշական են հետևյալները.

1. Տեղական ինքնակառավարման համակարգի ֆինանսական ապահովվածության մակարդակի բարձրացման հիմնախնդրի լուծումը, ակնհայտորեն, ենթադրում է ծրագրային մոտեցում: Այս առումով, կարծում ենք, որ համայնքներում բյուջետային գործընթացի կատարելագործման հարցերի քննարկումը համայնքների զարգացման ծրագրերի տեսանկյունից կնպաստեր բյուջետային գործընթացի կատարելագործման առավել ամբողջական մոտեցումների մշակմանը:
2. Պետական կառավարման և տեղական ինքնակառավարման համակարգերի արդյունավետ գործունեության հիմնական նախապայմաններից մեկը, ինչպես իրավացիորեն նշում է հեղինակը, ապակենտրոնացումն է և լիազորությունների հստակ տարանջատումը: Մեր կարծիքով, դրանց արդյունավետ տարանջատման հարցերը անհրաժեշտ է դիտարկել պետական կառավարման համակարգի վերափոխումների շրջանակներում: Աշխատանքում նշված հարցի վերաբերյալ հեղինակի ուսումնասիրությունները, մեր կարծիքով, կրում են մակերեսային բնույթ:
3. Տեղական ինքնակառավարման մարմինների գործունեության արդյունավետության բարձրացման համար հեղինակի կողմից առաջարկվում է ավելացնել համայնքների եկամուտների աղբյուրները: Այս համատեքստում հեղինակի կողմից առաջ է քաշում հարկային ապակենտրոնացման հարցը՝ տեղական ինքնակառավարման մարմիններին վերապահելով որոշակի իրավասություններ հարկային քաղաքականության ոլորտում: Կարծում ենք, որ զարգացման ներկա

փուլում նման քայլը կարող է լուրջ հիմնախնդիրներ առաջացնել պետական եկամուտների հավաքագրման առումով՝ հաշվի առնելով տեղական ինքնակառավարման մարմինների ներուժը նման խոշորամասշտաբ խնդրի լուծման համար:

4. Ատենախոսությունում իրականացված վերլուծությունների արդյունքում ֆինանսական կառուցակարգերի կատարելագործման համար հեղինակն առաջարկում է իրականացնել մի շարք հարկատեսակներից մասհանումներ տեղական բյուջեներին: Կարծում ենք, նման քայլի արդյունավետությունը պետք է դիտարկվեր հանրապետությունում առկա տարածքային ոչ համաչափ զարգացման համատեքստում: Բացի այդ, նման առաջարկությունը պետք է զուգակցվեր պետական բյուջեի եկամուտների կորստի գնահատականով, որը կառաջանա մասհանումների դեպքում: Աշխատանքում այդ ուղղությամբ ուսումնասիրությունները բացակայում են:

ԵԶՐԱԿԱՑՈՒԹՅՈՒՆ

Արված դիտողությունները չեն նսեմացնում հետազոտության արդյունքները: Դրանք հետապնդում են տեղական ինքնակառավարման համակարգի զարգացման հիմնահարցերին նվիրված հետազոտությունների ուղղությունների բացահայտման նպատակ:

Մ. Օթարյանի թեկնածուականատենախոսությունն իրենից ներկայացնում է ինքնուրույն, ամբողջական և արժեքավոր հետազոտություն, որում դրված և լուծված են հանրապետության համար կարևոր ու արդիական խնդիրներ:


Հեղինակի մասնագիտական ու վերլուծական մակարդակն, ակնհայտորեն, բարձր է, ինչի մասին են վկայում ինչպես ատենախոսությունը, այնպես էլ դրանում ստացված արդյունքները: Աշխատանքում մշակված առաջարկությունները և կատարված

Եզրահանգումները կարող են լայնորեն օգտագործվել տեղական ինքնակառավարման համակարգի զարգացման ծրագրերի իրականացման ընթացքում:

Հետազոտության հիմնական արդյունքները հրապարակված են: Ատենախոսության սեղմագիրը համապատասխանում է ուսումնասիրության բովանդակությանը և արտացոլում աշխատանքի կարևորագույն դրույթներն ու արդյունքները:

Ընդհանուր առմամբ, Մ. Օթարյանի «Տեղական ինքնակառավարման համակարգի զարգացման հիմնախնդիրները և դրանց լուծման ուղիները Հայաստանի Հանրապետությունում» թեմայով ատենախոսությունը համապատասխանում է «Հայաստանի Հանրապետության գիտական աստիճանաշնորհման կանոնակարգի» 6-րդ և 7-րդ կետերի, ինչպես նաև թեկնածուական ատենախոսություններին ներկայացվող պահանջներին, իսկ դրա հեղինակն արժանի է Ը.00.02 «Տնտեսության, նրա ոլորտների տնտեսագիտություն և կառավարում» մասնագիտությամբ տնտեսագիտության թեկնածուի գիտական աստիճանի շնորհմանը:

ՊԱՇՏՈՆԱԿԱՆ ԸՆԴԴԻՄԱԽՈՍՔ
տնտեսագիտության դոկտոր, պրոֆեսոր
17.10.2024թ.



Վ. ԲՈՍԱՆՋՅԱՆ

Պարոն Վ. ԲՈՍԱՆՋՅԱՆԻ
ստորագրությունը հաստատում եմ՝
Բ. Գ. Թ.
ԵՊՀ գիտական քարտուղար

17.10.2024թ.



Մ. ՀՈՎՀԱՆՆԻՍՅԱՆ